



Ysgol Mynydd Bychan Polisi Presenoldeb a Phrydlondeb

Disgyblion

Cyffredinol

Mae'n rhaid i ddisgyblion fynychu'r ysgol bob diwrnod mae'r ysgol ar agor iddynt. Dylent gyrraedd yn brydlon i'r ysgol ac i wersi. Dylent fod yn bresennol ymhob gwers oni bai bod rhesymau dilys dros beidio, e.e. gwers offerynnol, salwch.

Mae'r ysgol yn cofrestru disgyblion yn swyddogol ddwywaith y dydd, unwaith ar ddechrau sesiwn y bore ac unwaith ar ôl cinio.

Manylion gweithredol

Yn y bore, dylai disgyblion Bl 1, 2, 3, 4, 5 a 6 gael eu tywys gan rieni i iard gefn yr ysgol; disgyblion y dosbarth Derbyn i iard ffrynt yr ysgol a disgyblion y Feithrinfa i iard y Feithrin. Am 8.50y.b dylai staff yr ysgol sydd ar ddyletswydd fod ar yr iard ffrynt a'r cefn er mwyn i rieni fedru ymadael. Nid yw hyn effeithio disgyblion y Feithrin, mae rhieni disgyblion y Feithrin yn eu tywys hwy i fewn i'r dosbarth i gwrdd â'r athrawes a'r CDD. Mewn tywydd garw fe agorir ddrysau'r ysgol am 8.50y.b er mwyn gadael i'r disgyblion mewn i'r adeilad. Mae'r staff sydd ar ddyletswydd yn aros wrth y drws a staff eraill yn y dosbarthiadau er mwyn cadw reolaeth o'r disgyblion yn eu dosbarth.

Ar ganiad y chwiban am 8.55y.b disgwylir i'r disgyblion sefyll yn llonydd ar iard yr ysgol ac ar ganiad y gloch disgwylir i'r disgyblion gasglu eu heiddo ac i gerdded yn syth i'w rhesi. Dylai'r athrawon ddod i iard yr ysgol erbyn 8.55yb er mwyn tywys y disgyblion i'w dosbarthiadau yn drefnus a ac yn dawel. Yn y Feithrinfa, dylai'r athrawes a'r CDD fod yn barod wrth ddrws y Feithrinfa ac yn y dosbarth yn barod i groesawu'r disgyblion a'u rhieni am 9.15y.b / 12.55y.p .

Os yw disgybl yn cyrraedd yr ysgol wedi i gofrestru'n bore orffen, dylai'r rhieni arwyddo'r 'Llyfr Hwyr' yn y brif swyddfa, gan nodi'r amser, cyn mynd i unrhyw ddosbarth neu gyfnod o egwyl. Disgwylir fod rheswm yn cael ei roi yn llyfr hwyr yr ysgol gan riant y disgybl am ei fod ef/hi yn hwyr.

Ceir y cofrestrau yn y bore am 9:30y.b ac yn y prynhawn am 1.10y.p ar gyfer y Cyfnod Sylfaen ac 1.25y.p ar gyfer yr Adran Iau.

Absenoldeb

Ceir cysylltiad amlwg rhwng diffyg presenoldeb a diffyg cyflawniad. Dylai disgyblion ddod i'r ysgol bob diwrnod ysgol lle gallent. Dylai rhieni annog eu plant i fynychu'r ysgol a phwysleisio'r angen i fod yn bresennol er mwyn cyrraedd eu potensial.

Os nad yw disgybl yn bresennol yn yr ysgol, gofynnir i rieni ffonio'r ysgol ar ddiwrnod yr absenoldeb er mwyn rhoi gwybod nad yw eu plentyn yn yr ysgol.

Disgwylir bod rheswm dilys dros yr absenoldeb. Os yw disgybl yn absennol am fwy nag un diwrnod, neu os nad yw'r galwad ffôn wedi ei wneud i nodi'r rheswm dros yr absenoldeb, yna gofynnir i rheini ysgrifennu nodyn i esbonio'r absenoldeb.

Mae absenoldebau heb awdurdod yn fater difrifol ac mae dyletswydd ar yr ysgol i geisio lleihau achosion o absenoldebau o'r fath. Felly, gofynnir i rieni gydweithio â'r ysgol er mwyn rhoi gwybod am y rheswm dros yr absenoldeb.

Monitro Absenoldeb

Edrychir ar absenoldebau disgyblion yn wythnosol; caiff y data ei ddadansoddi a phatrymau absenoldeb eu hadnabod. Bydd yr ysgol yn cydweithio gyda'r cartref a'r Swyddog Presenoldeb i oresgyn unrhyw batrymau neu broblemau absenoldeb.

Apwyntiadau Meddygol neu arall

Gofynnir i rieni ysgrifennu nodyn* a'r disgybl ei gyflwyno i'r athro/athrawes o flaen llaw os oes apwyntiad meddygol neu unrhyw reswm pan fydd angen i'r disgybl adael yr ysgol cyn diwedd y diwrnod ysgol.

**Bydd cerdyn apwyntiad yn cyfrif fel nodyn absenoldeb yn yr achosion hyn.*

Cyn gadael y safle, bydd angen i'r rieni gofrestru bod y disgybl yn gadael yn y swyddfa. Mae hyn er mwyn sicrhau bod yr ysgol yn ymwybodol nad yw'r disgybl bellach ar safle'r ysgol pe bai tân neu ddigwyddiad difrifol arall.

Nid oes hawl gan ddisgyblion adael y safle ar unrhyw adeg wedi iddynt gyrraedd yr ysgol nes diwedd naturiol y diwrnod ysgol am 3:15y.p - Cyfnod Sylfaen, 3.20y.p - Adran Iau, 11.45y.b – Meithrin bore a 3.25y.p – Meithrin prynhawn.

Gwyliau yn ystod amser ysgol

Disgwylir i rieni gymryd eu gwyliau yn ystod gwyliau ysgol. Mae'r ysgol yn ymrwymedig i bolisi canolog y Sir o beidio awdurdodi gwyliau yn ystod tymor ysgol.

Os yw disgybl yn mynd ar wyliau nad yw wedi cael ei awdurdodi gan yr ysgol yna cyfrifir fel absenoldeb heb awdurdod.

Rhagwelir fod yna rhai amodau eithriadol pan nad yw'n bosib cyflawni'r uchod a bydd angen edrych ar bob cais yn unigol dan amodau o'r fath.

Hysbysiadau Cosb Benodedig

Mewn rhai amgylchiadau, bydd yr ysgol efallai yn gofyn bod y Gwasanaeth Lles Addysg i gyhoeddi rybudd o Hysbysiad Cosb Benodedig o dan Rheoliadau Addysg (Hysbysiadau Cosb) (Cymru) 2013 i rieni / warcheidwaid. Bydd llythyr o rwydd yn cael ei ddanfôn os;

- Bu 10 sesiwn heb awdurdod o fewn un tymor ysgol;
- Mae plentyn wedi bod yn hwyr (ar ôl i'r cofrestr gau) ar 10 achlysur o fewn un tymor ysgol;
- Mae rhieni / warcheidwaid wedi methu cymryd rhan mewn ymdrechion i

wella presenoldeb;

- Mae'r heddlu wedi dod o hyd i ddisgybl yn rheolaidd o fod yn absennol o'r ysgol heb reswm derbyniol.

Bydd Hysbysiad Cosb Benodedig yn cael ei gyhoeddi os:

- Mae un absenoldeb anawdurdodedig pellach o fewn 15 diwrnod ysgol o lythyr rhybudd yn cael ei gyhoeddi;
- Mae gwyliau heb awdurdod yn cael eu cymryd yn ystod y tymor (noder nad oes llythyr yn cael ei ddanfôn)

Pan fydd yr ysgol yn teimlo bod, er gwaethaf ei hymdrechion gorau i gefnogi'r teulu, nid yw presenoldeb yn gwella, bydd atgyfeiriad yn cael ei wneud at y Gwasanaeth Lles Addysg. Gallai atgyfeiriad cael ei wneud pan, er enghraifft:

- Mae patrwm o bresenoldeb afreolaidd wedi datblygu;
- Mae cyfnod o ddiffyg presenoldeb di-syfl wedi ei sefydlu;
- Mae diffyg cydweithrediad rhieni wrth sicrhau presenoldeb afreolaidd plentyn

Bydd Ysgol Mynydd Bychan yn cysylltu â'r Gwasanaeth Lles Addysg i ddarparu'r dystiolaeth sydd ei hangen i erlyn rhieni sy'n methu, heb gyfiawnhad rhesymol, i beri i'w plentyn fynychu'r ysgol yn rheolaidd, o dan adrannau 444 (1) a 444 (1A) o Deddf Addysg 1996.

Targedau Presenoldeb

Caiff adroddiad o bresenoldeb disgybl ei ddanfôn adref bob hanner tymor a'i gynnwys mewn adroddiad ar diwedd blwyddyn disgyblion. Nodir ar y daflen bresenoldeb os yw canran presenoldeb disgybl yn llai na 90%.
Caiff canran presenoldeb pob dosbarth ei ddanfôn yn fisol at y rhieni.

Rhaid i'r ysgol osod targedau ar gyfer presenoldeb a lefelau absenoldeb yn flynyddol. Mae'r targedau hyn yn uchelgeisiol ac yn dilyn targedau cenedlaethol.
Targed yr ysgol yw 96%.

Mae'r ysgol yn adrodd yn ôl am % presenoldeb yr ysgol ynghyd â % absenoldebau heb ganiatâd a % absenoldebau â chaniatâd ym mhob cyfarfod o'r Corff Llywodraethol.

Er mwyn i'r ysgol allu gyrraedd y targedau hyn, gofynnir i rieni gydymffurfio â'r canllawiau yn y polisi hwn.

Diwedd glo

Bwriad y gweithdrefnau uchod yw sicrhau cydweithrediad rhwng disgyblion, yr ysgol, y cartref ac asiantaethau allanol i sicrhau'r presenoldeb orau posib ar gyfer disgyblion Ysgol Mynydd Bychan, bod disgyblion yn mynychu'r ysgol ac yn cael pob cyfle i gyrraedd eu potensial.